



## Saksframlegg

| Saksnr: | Utval:        | Dato |
|---------|---------------|------|
|         | Formannskapet |      |
|         | Heradsstyret  |      |

|                 |                          |           |         |                 |  |
|-----------------|--------------------------|-----------|---------|-----------------|--|
| Sakshandsamar:  | Politisk-adm.sekretariat |           |         | Runar Ludvigsen |  |
| Avgjerslemynde: |                          | Arkivnr.: | 23/2490 | Klassering:     |  |

### Praktisk gjennomføring av politiske møter for periode 2023-2027

Kommunedirektøren gir ikkje framlegg til vedtak i denne saka

#### Saksopplysningar:

Ordførar ønskjer at heradsstyret drøfter og tek stilling til korleis ein skal gjennomføre dei politiske møta for kommunevalsperioden 2023-2027.

Praksis frå sist periode (2019-2023) har vore slik:

- Politisk møtedag er onsdagar
- Møtetidspunkt
  - o For heradsstyret kl. 16-22.
  - o For andre utval kl. 13-17.
- Ingen fastsett taletid i møter
- Siste møte for semester i heradsstyret er dagmøte frå kl. 09.
- Budsjettseminar for heradsstyret på dagtid frå kl. 09 i september kvart år

I tillegg har det vore praktisert at alle sektorane, samt dei kommunale selskapa, har fått komme i heradsstyret for å orientere om seg sjølv. For å unngå møte som varer lengre utover kvelden har ein løyst dette ved at ein har starta tidlegare desse dagane, anten kl. 12,14 eller 15. Dette har også vore praksis om til dømes politiet, interkommunale selskap og diverse andre har ønska ein presentasjon for heradsstyret. Resultatet har vore at ganske mange heradsstyremøte har starta tidlegare enn kl. 16.00.

#### Vurdering

Det ligg ikkje spesielle omsyn eller ønskjer frå kommunedirektøren på det som gjeldt møtedag eller møtetidspunkt.

#### Økonomi

Når det gjeld møtetid så ligg det potensielt ein økonomisk konsekvens med dette. Det har i sist periode vore minst 3 dagmøte pr år, men i desse tilfellene har det vore veldig få som, av ulike grunnar, har nytta seg eller trengt å nytte seg av ordninga «tapt arbeidsforteneste». På gjennomsnitt har det vore under 5 stk som har sendt inn krav i etterkant. Dette gjer at ein ikkje ut i frå historikk kan estimere kva utgifta vil verte økonomisk med ein overgang til dagmøte.

Pr i dag har ikkje heradsstyret vedteke øvre grense for kva ein kan krevje økonomisk for «tapt arbeidsforteneste» pr dag, men i andre kommunar er det vanleg at ein øvre grense er sett til rundt

3500-6000 kr pr dag. Dersom ein til dømes tek utgangspunkt i at heradsstyret fastsett øvre grense for denne perioden i «forskrift om folkevaldes rett til godtgjersle og dekning av økonomisk tap» på 6000 kr, så vil ein potensiell utgift for heradsstyret ligge på maksimalt 26 (utan ordførar)\*6000=156.000 kr.

Heradsstyret har no ny samansetting og det kan vere at noverande medlemmar har ein helt anna livs- og jobbsituasjon enn det gamle heradsstyret. Likevel, med det grunnlaget for samanlikning vi har, basert på bruken av tapt arbeidsforteneste for periode 2019-2023, vil det ikkje ligge noko økonomisk tap av betydning for vurderinga av om ein skal ha dagmøte eller kveldsmøte. Då bør ein heller sjå på andre omsyn omkring dette valet.

### **Konklusjon**

Saka vert lagt fram utan innstilling til formannskapet. Formannskapet innstiller på vedtak til heradsstyret.